



Broj: T18 0 KT 0018336 25
Brčko, 30.05.2025. godine

Optužnica potvrđena: 30.05.2025.godine

Na osnovu člana 35 stav (2) tačka i) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

A. B., rođen ... 1997. godine u Tuzli,

Što je:

1. Dana 07.02.2025. godine, oko 23,00 sati, u ulici J. D. broj ..., Brčko distrikt BiH, s ciljem pribavljanja protivpravne imovinske koristi, došao do objekta Srpske Pravoslavne Crkve, svjestan da stvari koje se u njoj nalaze nisu njegovo vlasništvo i da će njihovim prisvajanjem pribaviti sebi protivpravnu imovinsku korist, što je i htio, ušao u unutrašnjost crkve tako što je upotrebom fizičke snage i sjekirom izvršio provalu na bočna vrata crkve, da bi prilikom izlaska bio zatečen od strane zaštitara „Sector security“, I. D., sa sjekirom koju je držao u jednoj ruci, dok je u drugoj ruci držao ruksak i kesu, nakon čega se udaljio prema izlazu iz crkvenog dvorišta u pravcu ulice I.M. K., a kojom prilikom ništa nije oduzeo,

dakle, provaljivanjem pokušao doći do tuđih pokretnih stvari iz vjerskih prostorija i oduzeti ih drugome s ciljem da njihovim prisvajanjem pribavi sebi protivpravnu imovinsku korist,

2. Dana 09.02.2025. godine, oko 17,30 sati, u ulici M.K. broj ..., Brčko distrikt BiH, s ciljem pribavljanja protivpravne imovinske koristi, svjestan da upotrebom oružja prema drugoj osobi vrši ozbiljnu prijetnju na njen život i tijelo i da na taj način oduzima predmete, što je i htio, maskiran, sa kapuljačom na glavi i odjevnim predmetom kojim je prikrivao usta, ušao u apoteku „Herba Farm“ gdje je u kancelariji iza pulta zatekao radnicu T. Đ., prišao joj i pokazujući joj pištolj koji je držao u jakni, pitao „Gdje vam stoje koverta?“, a onda i gdje stoji novac, kada se T. uznemirila i odgovorila mu da ima srčanih problema, a onda je ponovo pitao „Gdje stoje, gdje stoje?“, T. mu odgovorila da novac ujutru direktor odnosi i predaje u banku, okrenuo se i došao do pulta, otvorio ladice, a zatim iz kase uzeo sve papirne novčanice u ukupnom iznosu od oko 500,00 KM u raznim apoenima i valutama i za taj novčani iznos oštetio vlasnika apoteke Š. P.,

dakle, upotrebom sile protiv lica i prijetnjom da će direktno napasti na njen život i tijelo oduzeo tuđe pokretne s ciljem da njihovim prisvajanjem pribavi sebi protivpravnu imovinsku korist, pri čemu je upotrijebljeno oružje,

čime je pod tačkom 1. učinio krivično djelo – Teška krađa – iz člana 281 stav (2) tačka 2) u vezi sa članom 28 Krivičnog zakona Brčko distrikta BiH, a pod tačkom 2. krivično djelo – Razbojništvo – iz člana 283 stav (2) u vezi sa stavom (1) Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
